



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De remediis gulæ. Cap. XXXVII.

[urn:nbn:de:hbz:466:1-53148](#)

Mat. 5,3 cius recompensatur. Insuper magnam gloriam in cælo meretur patienter tolerata pro Christo temporalis penuria: quia, Beati pauperes spiritu, &c.

De gula.

C A P. XXXVI.

Cassian. li. 5. de Spiri-
tu Gastris.
margia.
6.23. **G**VLAE quatuor sunt species. Prima, ante debitum tempus, vel sæpius quam deceat comedere, præter necessitatē, more pecudum. Secunda, cum nimia aviditate & impetu quodam vorare, sicut lupi & canes famelici. Tertia, nimis se implere, potius quam reficere, & plus sumere quam sit necesse ex inconsideratione vel delectatione. Quarta, nimis lauta vel exquisita querere. Hæc nutrit avaritiam, sicut prior pigritiam vel acediam. Qui delicata querit, cupit diuitias, ut possit habere quæ appetit. Nimia vero ciborum repletio pigrum reddit: quia vas plenum ponderosum efficitur. Hebetat etiam intellectum, & affectum devotionis obtutus & refrigerat, & agilitas retardatur, & in somnum ducit superflua ciborum repletio.

De remediiis gulæ.

C A P. XXXVII.

RE M E D I A gulæ. Contra primam speiem sufficit bona voluntas, ut nolit plus vel sæpius comedere quam sit conueniens. Infirmis autem non est lex posita. Iuvenes vero & laborantes sicut exigit necessitas, discrete refici possunt, quando consuetudo vel ecclesiastica institutio non repugnat. Contra secundā utilis est disciplina verecundiæ, ut modestè se habeat, & imperium refrænet. Item consideratio: quia inordinata & nimis festinata refectio naturam grauat & minus nutrit, & plus æquo vult.

vult. Eadem etiam consideratio valet contra tertiam speciem, quā nimis sumitur; & quia verē impedit à bono opere sicut supra dictum est. Efficacius tamen remedium est contra tertiam & quartam speciem, nō habere vnde possit gulæ satisfacere. Vnde quanto quis pauperrior fuerit, tanto minus in hac parte peccabit.

Hæc est secundum traditionem seniorum prima pugna, quā deuincere nos oportet: & quā in omnibus superata fuerit, tanto validiora sunt cetera vitia contra nos, & nos debiliores sumus contra ea. Per gulæ peccatum mors intra-

uit in orbē. Vnde & Christū diabolus primitus MAT. 4,3

per gulam tentauit, quasi per ianuā aliorū vi-
tiorū aditum quærēs ad vteriora. Contra quā prout etiā cōtra alias voluptates vitiosas cōsi-
derare debemus, quām citò pertansit, quām breuiter durat: & quādo trāsacta fuerit, sic est
quasi nunquā fuerit. Vnde cūm delectamenta mūdi & carnis appetis, pone in corde tuo ac si
jam habueris & satiates sis, & hora prēterierit:

quia voluptas prēterita est quasi somniū noctis transactum, imō contemptibilior: quia malam conscientiam facit perpetrata voluptas, euina-
ta verò lētam & securam. Valet etiam contra omnes aduersitatum turbationes, si ponas in corde tuo iam durante aduersitate, quod ira debeat esse, & aliter esse non possit: & quod voluntas Dei sit quod ita est, & disposuerit, ut ita eueniret. Quod enim sponte quisque disponit, inde minus turbatur si euenirerit. Cūm autem turbaris quod non euenit quod optaueras vel speraueras, cogita quod multa alia non euenen-
tunt quæ prospéra fuissent si euenissent, & tamen non turbaris quod non euenierunt: quia de quibus cor hominis non disponit sibi gau-
dium si eueniant, de his etiam non tristatur si non eueniant. verbi gratia: Si speras crastino

N s habi-

Vide Caf-
fian.li.5. de
Spiritu G.a.
frimargia.
6.13. & 14.

In aduer-
sis & pro-
speris quo-
modo phi-
losophan-
dum.

habiturum bonum prandium, lœtaris: sed si fortè spes tua frustretur, turbaris, quia lœtitia spei subtracta est. Sed si nihil speras, non tristis si non euenerit: quia vidēris tibi nihil perdidisse, cùm nihil habueris amittendum. Ho-

In consolatione terrena non figura-
mus. ^{mo enim virtutis, sic debet omnē spem suam}
^{& solatium in Deum ponere, ut nunquam ex-}
^{toto figat animam in terrena consolatione: &}
^{quasi suspensum habeat desiderium ad omnia}
^{exteriora non fixum: sicut qui super glaciem}
^{incedit, leuiter ponit pedem tentando si crepi-}
^{tet, ut retrahat pedem ne submergatur. Cùm}
^{ergo perdis aliquid quod diligis, pone in ani-}
^{mo tuo quasi nūquam habueris, & quasi som-}
^{nium fuerit quod videris habuisse, quod tunc}
^{more suo euanuerit & in nihilum redactum}
^{sit. Hoc orat Propheta cum affectu sibi inspi-}

^{Psal. 72, 10} rari, dicens: Velut somnium surgentium Do-

mine in ciuitate tua imaginem ipsorum ad nihilum rediges.] Hoc est, redige memoriam istorum terrenorum in corde meo, quod est ci-
vitas habitationis tuæ, ad nihilum: ut nihil re-

putem esse vel fuisse quod pertransit, sicut

sommium de stratu surgentium obliuioni tra-

ditum nō curatur. Somnium est hæc vita ma-

lis & stultis, qui putant se esse quod non sunt,

id est, felices, & habere quod non habent. Et

non sunt vera bona: quia falsa sunt quæ habent.

Ista considerationes non sunt phantasticæ di-

cendæ, sed veræ & sapientes: quia faciunt men-

tem tranquillam, & stabilem inter mundanæ

prosperitatis & aduersitatis varietates. Cùm

ergo desideras quod nō habes, cogita quasi ha-

bueris & iam fraudatus inde fueris, & modo

pertransierit. Cùm autem habes quod diligis,

noli nimis inniti ei per delectationis affectū:

sed cogita quod citò pertransiet ista lœtitia, &

nihil post se relinquit, nisi vestigia dolorum, &

debi-

Somnium
vera hu-
mana.

debitum suppliciorum. Cūm ergo amittis
quod amasti, æstima quasi nunquam habueris
illud verè, sed tantum quasi in somno videris;
vel in cogitatione imaginatus sis te talia ha-
buisse: sicut imaginatur mihi quòd sim Rex
Franciæ, & magnam gloriam & pompam &
delicias & diuitias habeam: & post modicum
Rex Angliæ debeller me, & capiat & spoliet me
regno & gloria, & inanis remaneam ab omni-
bus. Si ergo peracta tali phantasia, grauiter vel-
lem turbari & tristari de illa regni phantastici
amissione, vel si valde exhilarari voluissem ex
delectatione huiusmodi gloriæ phantasticæ
habitæ; nonne stulta tristitia vel inanis gloria
esset moneri de his quæ nunquam fuerunt vel
erunt? Tales enim vanas lætitias & tristitias
semper habere possemus, imaginando nobis-
cum & fingendo quaslibet glorias & delecta-
tiones, & econuersò tristitias & dolores, sicut
solent quidam insani & lunatici quibus-
dam phantasias delusi ex confusione cerebri,
etiam sine apparente causa exteriori, modò ri-
dere modò flere secundum imaginationes in-
teriorius conceptas tristes vel lætas. Veruntamen *Psal. 38, 6*
vniuersa vanitas omnis homo viuens, id est,
viuens secundum hominem, non secundum
Deum. Et quare? Veruntamen in imagine
pertransit homo, velut in quadam imaginaria
delusione, existimans se aliquid esse cùm nihil
sit: & ita nedum vanè extollitur, sed etiā fru-
stra conturbatur vanis timoribus & mœrori-
bus deiectus. Thesaurizat, & ignorat cui con-
gregabit ea: quia ipse nescit an eis fruiturus
sit, an aliis cui fortè non debentur. Contra
hoc sibimet Propheta consilium inuenerat dí-
cens, Et nunc quæ est expectatio mea, nonne
Dominus? & substantia mea apud te est? vbi
iterum perdere non formido. E contra pone in
animō

Ubi supra

animo tuo, de futura aduersitate non turbari: quia contingentia ita se habent, quod possunt evenire vel non evenire. Et saepe turbamus nos ante tempus timore illius quod nonquam eveniet: sicut pueri aliquando flent recordates doloris, quem forte haberent si parentes eorum moriantur, qui adhuc viui sunt, sani & incolumes. Quod si etiam aduersitas certa futura est, tunc sufficit diei malitia sua, ut non duplcamus nobis dolores praecedente angustia, cum sequens tribulatio per se satis excruciet. Hac dico de temporali tribulatione, non de aeterna, quam

*Rom. 40. in
Bunng.* expedit nobis prætimere & præcavere. Gregorius, Ante supplicium de suppicio cogitate.] Instante verò iam tribulatione vel aduersitate, considerada est utilitas aduersitatis: quomodo peccata purgat, cautos reddit à peccato, & subtrahit occasionem peccandi in multis: & exercet ad virtutes, ad humilitatem, & ad compassionem similia sustinentium, ad confugendum soliciū ad diuinum adiutorium, ad experientiam diuinæ clementiæ, quæ tribulatiæ corde iuxta esse solet, & ad examinationem propriarum virtutum: quia in aduersitate pleniùs videmus quantum profecerimus in eis. Item ad maiorem gloriam promerendam & super omnia ad reddendum vicem Christo passo pro nobis. Transacta autem aduersitate gaudet: quia evasisti sicut qui de naufragio evadit, vel de tempestate, & de via mala ad bonum hospitium peruenit: & noli dupliciter te affligere rancore vel odio ex memoria iniuriatum contra illum à quo passus es: cogitans quod si non meruisti apud illum ut te affligeret, tamen forte meruisti apud Deum, ut puniri te permitteret; & ipse Deus iudex vsus est illo quasi tortore tuo ad iustitiam exequendam circa teum suum. Sic affur virga furoris Domini

mini dicitur: quia eo usus est quasi virga ad dandam disciplinam seruo suo Israël peccanti. Et sicut virga post correctionem filij in ignem proicitur, sic & illi ultores Dei tandem punientur, maximè qui non recto zelo & iustitia proximos persequuntur. His quasi per excessum tactis, qualiter te inter aduersa & prospera immobilem conserues, ne prosperitates te extollant vel aduersa deiciant (quia aduersitas maximè versatur circa carentiam vel amissionem cupiti, & timore vel toleratiā exosi) ad remedia & qualitates vitiorum considerandas redeamus. Non mediocriter autem valet ad morbos virorum sanandos, scire & quanitatem carere his quæ caro vel carnalis affectus appetit, & patienter sustinere & non pertimescere quæ horret & odit: sicut in medicina corporali, sanitati propinquat qui bene seruat digestam, & careret à nocuiis, & constanter recipit & sustinet amarū poculum confectionis. Gregorius: Qui appetit plenè virtutia vincere, studeat humiliter purgationis suæ flagella tolerare.] Scio & abundare & penuria pati, & esurire & saturari, ubique & in omnibus instructus sum.

*Hom. 15. 18
Evan..*

*Philip. 4. .
12.*

De luxuria.

CAP. XXXVIII.

LVXVRIA quadruplex est. Prima in corde, quando homo immundas & lubricas cogitationes scienter & voluntarie, causa prævaricationis versat in cogitatione, sine repugnantia consensus. Peruersæ cogitationes separant à Deo. Qui viderit mulierem ad concupiscendum eam, iam mecharus est eam in corde suo. Secunda est cum circa opus generatiuum satiat se libidinosis iugestibus, amplexando, osculando, palpando, impudicè respiciendo, loquendo & auscultando turpia, ut sola

*Sap. 1. 2
Mat. 5. 28*